

فيديو # ١٣٤ من مقاطع حظر التجول تدبر سورة الزمر # ١ الآيات

٥-١

فاضل سليمان

مشكلة في السلام عليكم ورحمة الله وبركاته. اهلا بحضراتكم في المقطع رقم ربعمية واحد وتلاتين من مقاطع حظر التجول والحلقة الاولى من حلقات تدبر سورة الزمر ارجو من حضراتكم تفتحوا المصاحف على صورة الزمر اللي هي الصورة رقم تسعة وتلاتين - [00:00:03](#)

في ترتيب المصحف بسم الله الحمد لله والصلاة والسلام على رسول الله. سورة الزمر سورة مكية نزلت في النصف الاول من المرحلة المكية يقال في السنة الخامسة بعد بداية نزول القرآن الكريم - [00:00:41](#)

اه عدد آياتها خمسة وسبعين اية يسمى ايضا سورة الغفر. لكن ده اسم مش مستخدم ذكر فقط في تفسير القرطبي آ آ عشان في الاية العشرين تكررت كلمة الغفر آ لكن الذين اتقوا ربهم لهم غرف من فوقها غرف - [00:01:00](#)

ورد عن سيدنا ابن مسعود رضي الله عنه وارضاه انه سماه سورة الغفر لكن الاسم المعروف هو سورة الزمر برضو عشان تكرار كلمة آ زمرا الموضوع الاساسي المسيطر على الصورة هو عقيدة التوحيد. طبعا احنا عارفين ان القرآن المكي او القرآن المكي - [00:01:21](#)

اه بيعتني ببناء الانسان ببني عقيدة الانسان اه العقيدة الاساسية اللي موجود ظلها واضحة جدا في سورة الزمر هي افراد الله بالعبادة ان ربنا فقط هو المستحق للعبادة. التوحيد نبدأ - [00:01:42](#)

اعوذ بالله السميع العليم من الشيطان الرجيم. بسم الله الرحمن الرحيم اقرأ بقي معي الاية الاولى تنزيل الكتاب من الله العزيز الحكيم قلنا قبل كده ان كلمة تنزيل بتحمل معاني عميقة جدا - [00:02:02](#)

هذا الكتاب لم يكتب في العالم هذا الكتاب نزل على العالم من خارج العالم تنزيل نزل من خارج العالم على هذا العالم حتى يقرأه العالم تنزيل الكتاب من مين ما هو ممكن يكون من الشيطان - [00:02:24](#)

لأ تنزيل الكتاب من الله لما تقول كتاب الفيزياء الفلاني كتبه اينشتاين العالم اينشتاين الكبير العبقري فانت لما توصف اينشتاين بالكبير العبقري انت في الحقيقة بتروج للكتاب بتاعه. لانك بتتكلم اصلا عن الكتاب بتاعه - [00:02:47](#)

فانت لما تتكلم عن الكاتب وانت بتتكلم عن الكتاب فانت في الحقيقة بتروج الكتاب. فافرا كده الاية تنزيل الكتاب من الله العزيز الحكيم. يبقى انت بتقول للناس اقروا هذا الكتاب. هذا الكتاب يستحق القراءة. ليه - [00:03:17](#)

لانه من الله العزيز مصدر العزة الحكيم مصدر الحكمة. يعني عزتكم في هذا الكتاب. من تركه اذله الله. الحكمة اللي محتاجينها في هذا الكتاب اقرا معي الاية اتنين انا انزلناه انا انزلنا اليك الكتاب بالحق - [00:03:35](#)

فاعبد الله مخلصا له الدين شف الاية الاولى تنزيل الفعل فيها نزل بتشديد ازاى الاية اتنين ان انزلنا الفعل بتاعها انزل مش نزل بدون تشديد للزي؟ ايه الفرق بين نزل - [00:04:01](#)

تنزيلا وانزل انزالا ايه الفرق بين نزل وانزل شوفوا بقى هتلاقوا في التفاسير ان التنزيل بتعطي الانطباع انه نزل منجما مفرقا. كل فترة ينزل شوية بينما انزل ده للشئ اللي نزل مرة واحدة. ايه الكلام ده غير دقيق بالمره عشان تبقوا عارفين - [00:04:29](#)

احنا لما جينا نعمل ترجمة مؤسسة جصور للتعريف بالاسلام عملنا فيها حاجة اسمها يعني ايه؟ يعني بقينا نختار تعبير انجليزي واحد للفر. ويبقى هو من اول الفاتحة لغاية سورة الناس اللي بنستخدمه عشان ندي فرصة للناس تتدبر بالانجليزي - [00:04:59](#)

لأنها مسلا تعمل ايه آآ تحصر لفز معين جه فين في القرآن وتبدأ تشوف السياقات اللي جه فيها فكان لازم نعمل او اننا نقرر لفظ تعبیر لتنزیل وتعبير لآنزل - 00:05:21

آنزل وآنزل. كان لازم نفرق بينهم فلما لقينا التفسير ده ان نزل بتبقى نزل مفرقا على وقت لقينا ان في اية في ال عمران كل الطعام كان حلا لبني اسرائيل الا ما حرم اسرائيل على نفسه من قبل ان - 00:05:41

آنزل التوراة بتشديد ازاي؟ والتوراة نزلت مرة واحدة. التوراة ما نزلتش مفارقة التوراة مش زي القرآن نزلت منجمة ابدا. نزلت كلها مرة واحدة. واستخدم معها نزل التوراة بتشديد ازاي؟ اذا - 00:06:11

زين نزل ما لهاش دعوة بمسألة انه نزل مفرق طب نعمل ايه؟ عشان نقدر نفهم الفرق بينهم ونقرر اللفظ الانجليزي اللي هنختاره درسنا كل السياقات اللي جه فيها نزل وآنزل - 00:06:28

فوجدنا فرق واضح جدا بينهم وهو انه تنزيل نزل بيبقى التركيز فيها على الوهية المصدر ان ده وحي نازل من عند الله عشان كده لما اخترنا لها ترجمة اللي فيكم بيفتح التطبيق بتاع مؤسسة جسور اللي اسمه بريدجيز ترانسليشن اوف دي قرآن - 00:06:49

اخترنا لهاي يعني تنزيل من يعني نزل من علي انما آنزل اخترنا لها صن داوون وخلص. عموما انا بس حبيت اقول لكم انه الفرق بين آنزلنا في الاية اتنين وتنزيل في الاية - 00:07:12

واحد هو ان في الاية اتنين التركيز على المتلقي المحطة النهائية اللي نازل لها الكتاب. انما التنزيل بيبقى التركيز على انه نازل من عند الله اقرا معي الاية اتنين انا آنزلنا اليك. اليك يا محمد الكتاب بالحق فاعبد الله مخلصا له الدين. التركيز هنا على الايه؟ على المكان -

00:07:32

اللي اللي هيصله او الانسان اللي هيصل له هذا الكتاب. طيب انا آنزلنا اليك الكتاب بالحق فاعبد الله مخلصا له الدين. القرآن زي ما هو فيه الذكر ايضا فيه الحق - 00:08:00

بالحق انا آنزلنا اليك الكتاب بالحق. الحق اللي السماوات والارض خلقوا بي في سورة الانعام وهو الذي خلق السماوات والارض بالحق وبالتالي الحق داخل في تكوين السماوات والارض. الحق داخل في صناعة الكون في في القماش بتاعة الكون الحق معجون الكون

كله معجون بالحق - 00:08:19

عشان كده الباطل هو اللي غلط عشان كده الباطل لازم دائما الناس تقف ضده عشان كده الباطل لا يمكن يسبب الصلاح او الاصلاح الباطل لا يمكن يصلح هذا الحق اذا اردت ان انت تترجمه في كلمات - 00:08:50

وهو القرآن الكريم. الحق اقرا الاية اتنين انا آنزلنا اليك الكتاب بالحق اعبد الله مخلصا له الدين لان هذا الكتاب نزل بالحق واحد اهم تعاليمه احد اهم تعاليم الحق وان الاعمال بالنيات - 00:09:09

بالتالي لو عبدت ربنا ليل نهار لكن بدون اخلاص لن تنفعك العبادة لو انت بتعبد ربنا عشان الناس تقول عليك بتعبد ربنا. الناس تقول عليك متدين. الناس تقول عليك شيخ. الناس تقول عليك راجل آآ محترم - 00:09:33

مش هتنفعك هذه العبادة. لانها بدون اخلاص يبقى لابد من اخلاص النية لله انا آنزلنا اليك الكتاب بالحق ها فاعبد الله مخلصا له الدين. الكتاب ده فيه الحق. فاضل عليك انت ايه؟ انك تبقى مخلص وانت بتنفض اللي فيه - 00:09:49

لا يكفي انك تنفذ الاوامر بتاعة ربنا اذا كانت ستنفذ بنية غير صالحة او بدون اخلاص وتخلص النية لو انت رايح تصلي قررت تصلي في المسجد اللي على الناصية اليمين مش اللي على الناصية الشمال لان فيه رجل اعمال بيصلي في المسجد اللي على الناصية اليمين

وانت رايح له - 00:10:15

وبكرة عشان بتحاول تبيع لشركته اجهزة مسلا آآ تصوير ورق فلو انت رحت تصلي في المسجد ده هيشوفك وبكرة بازن الله لما يلاقيك رايح عندهم في المكتب عشان تقابل قسم المشتريات فيمكن يقول لك ايه - 00:10:38

هو انا شفتك فين؟ فتقول له حضرتك احنا بنصلي مع بعض في المسجد. ايه ده انت بتصلي في المسجد! ما شاء الله! يا جماعة اشتروا منه! خلاص بقت الركعتين اللي رايح تصليهم دول - 00:10:54

مش لله باقول الدنيا الحالة دي انت ما بقتش صلاتك لله بقت صلاتك في جزء منها للبيزنس مش كلها لكن فيه جزء منها للبيزنس اقرا
معى الاية اتنين فاعبد الله مخلصا له الدين - [00:11:05](#)

خلي عبادتك باخلاص. لانه لا يقبل الا ما كان خاص خالصا له فاعبد الله مخلصا له الدين الا لله الدين الخالص. الدين الخالص النقي
الذي لا تشوبه شائبة ده بالكامل بيبقى لله - [00:11:24](#)

هو ده اللي لله شف انت بتعمل ايه لله واياه للدنيا او عشان الناس اهو اللي لله ده هو اللي هينفعك اقرا معى الاية ثلاثة الا لله الدين
الخالص. والذين اتخذوا من دونه اولياء ما نعبدهم الا ليقربوني - [00:11:45](#)

الى الله زلفى ان الله يحكم بينهم فيما هم فيه يختلفون. ان الله لا يهدي من هو كاذب كفار مش ممكن حد يدعي انه بيخلص النية لله
في العبادة. وهو في نفس الوقت بيعبد مع الله الهه اخر - [00:12:08](#)

الالهة الاخرى لا تقتصر على عبادة بشر مثلا زي المسيح او بوزة او عبادة حيوانات مثلا زي اللي بيعبدوا البقر او عبادة اصنام او
تماسيل لا لا في ناس حاجين بيوت الله - [00:12:29](#)

لكن بيؤمنوا بالهة اخرى وهي مثلا المال او الثروة بيعبدوا الفلوس لانه بيظن ان الفلوس ممكن تحقق له اللي هو عايزه. كده خلاص
دخلت في الشركة في ناس حاجين بيوت ربنا وبيؤمنوا بان الحاكم او السلطان يستطيع انه يحقق له اللي هو عايزه. دخل فيه الشركة
على طول خلاص - [00:12:44](#)

الرسول عليه الصلاة والسلام بيقول تعس عبد الدينار وعبد الدرهم وعبد القطيفة وعبد الخميصة ان اعطي رضي وان لم الم يرضى
تعس وانتكس واذا شيك فلا انتقش. يعني ايه النبي هنا بيدعو على الانسان اللي اللي بيعبد نفسه بيستعبد نفسه للمادة - [00:13:06](#)

وللمزاهر فلوس كتير تستعبده. تعس عبده الدينار. الدينار بيبقى دينار ذهب يعني فلوس كتير فلوس قليلة قليلة كمان تستعبده.
تعيس عبد الدرهم. الدرهم ده بيبقى درهم فضة. حاجة كده عشرة ساغ. برضه تستعمله. فيه ناس تشتريها بعشرة ساغ - [00:13:29](#)

وفي ناس تقيم الناس على حسب الموضة والملابس تعيسة عبد القطيفة نوع قماش فاخر وعبد الخميصة الخميصة عبارة عن موديل
من الملابس كان آ كان هو ده الشياكة انه يتلبس في الوقت ده - [00:13:50](#)

فبتدل على الغنى فالنبي عليه الصلاة والسلام بيدعو على الناس المادية اللي عقلها مسيطر عليه الماديات والمزاهر بيقول ان الناس
دي هتتعس وبيقول لنا الناس دي بتتعس نفسها بدل ما يقيم الناس على اساس التزامهم بالدين والتزامهم بالاخلاق والتزامهم بالعلم -
[00:14:11](#)

لا بيقيم الناس على اساس الماديات والمظاهر. فالنبي بيقول اللي بيعمل كده بيحجب لنفسه التعاسة. تعس وانتكس. انتكس يعني كل
ما يبجي يقف يقوم واقع تاني ينتكس واذا شيك فلا انتقش. اذا شيك يعني لو الشوكة دخلت فيه فلا انتقش يعني يا رب حتى
المنقاش يعني الملقاط ما يعرفش - [00:14:35](#)

عشان يفضل قرفان اقرا الاية ثلاثة الكلام ده لازم عندنا يكون مفهوم على طول ان القرآن بيريني على عدم المادية العقل المادي
والحضارة المادية ضيعوا الدنيا كآبة مسيطرة على الناس بسبب المادية الناس بتلف ومش راضية ويجمع وبرضو مش راضي ويبقى
عنده فلوس وبرضو مش راضي - [00:14:58](#)

عنده عربيات وبرضه مش راضي. دايم في عربية احسن. دايم في فلوس احسن. دايم دايم في عبادة الدنيا اقرا الاية ثلاثة الا لله
الدين الخالص والذين اتخذوا من دونه اولياء - [00:15:26](#)

ما نعبدهم الا ليقربونا الى الله زلفى لكن هؤلاء الذين يعبدون مع الله شركاء بيدافعوا عن أنفسهم بيقولوا ايه ؟ احنا بنعبدهم بس عشان
يقربونا من ربنا لكن احنا ما نقصدش عبادتهم من اجل عبادتهم - [00:15:44](#)

شف الاية بتقول ايه والذين اتخذوا من دونه اولياء ربنا بيتكلم عنهم. ومرة واحدة جاب كلامهم ما نعبدهم الا ليقربونا من الله زلفى.
يعني والذين اتخذوا من دونه اولياء يقولوا - [00:16:08](#)

لون ما نعبدهم الا ليقربونا الى الله زلفى. قعدت افكر هو ليه ربنا حزف كلمة يقولون يعني للاية مش جاية كده. بصوا معى في الاية.

والذين اتخذوا من دونه اولياء يقولون ما نعبدكم الا ليقربونا الى الله زفا. لأ - [00:16:23](#)

ربنا حزن يقولون ايه الفرق والذين اتخذوا من دونه اولياء ما نعبدكم الا ليقربونا الى الله زلفى وبهم والذين اتخذوه من دونه اولياء يقولون ما نعبدكم الا ليقوموا الى الله زلفى - [00:16:42](#)

حزن يقولون فيه نوع من التسخيف الشديد لهذا القول يعني يقولوا كلام سخي ما يقنعش حد. هم نفسهم مش فاهمين بيقولوا ايه قربنا وكأن القرآن بيوجب كلامهم بيقلدكم احنا مش بنعبدكم لانهم يستحقوا العبادة. احنا بنعبدكم بس عشان يقربونا من ربنا. طب ما تعبدوا ربنا - [00:17:00](#)

ايه اللي مانعكم انكم تعبدوا ربنا ودي حاجة على فكرة ناس كتير جدا ما يعرفهاش ما يعرفوهاش ان معزم الاديان الموجودة في الدنيا المعبودات اللي فيها مش هي الالهة يعني انتم عارفين ان الهندوس بيعبدوه البقر صح؟ ايه رأيكم - [00:17:23](#)

البقرة ليست اله في الهندوسية ايه رأيكم بقى اما بيعبدوها لكن هي مش اله البوذيين بيعبدوا بوذا صح؟ بوذا مش اله الديانة البوذية اصلا ما فيش فيها اله. يعني ديانة الحادية عشان تبقوا عارفين - [00:17:43](#)

لكن يعبدوا بوذا ازاى؟ اقعد هنا اقعد. انت مش قادر تفهم ان انت تعودت على انك بتعبد الله الاديان دي بيعبدوا فيها ما هو ليس اله عندهم. يعني اله في الهندوسية كرشنا ما بيتعبتش ما بيعبدوهوش. بيعبدوا حاجات تانية - [00:18:00](#)

يعبدوا بقر معظمهم يعبدوا البقر. في واحد آآ صديقي كبار اسلم من حوالي عشرين اكثر اتنين وعشرين سنة في امريكا وقعد يعلمني الهندوسية وقعد اربع ساعات بيديني محاضرة في الهندوسية. وبصراحة وما فهمتش حاجة لكن - [00:18:18](#)

قلت له طب انتم كنتم بتعبد انا ما كنتش بعبد البقرة بتعبد ايه؟ قال لي كنت بعبد جاري المسلم انا ما فهمتش حاجة منه يعني المهم كفار الجزيرة العربية بقى كانوا مقسومين نصين - [00:18:36](#)

نص بيعبد الاصنام لانه يراها الهة والنص التاني بيعبد الاصنام ولا يراها الهة لكنه بيعبدها لتقربه الى الله زلفى وكان فيه ايضا قبائل بتعبد الملائكة على انها بنات الله فيبيعبدوها عشان يقربوهم من الله - [00:18:49](#)

كمل بقى الاية الثلاثة ان الله يحكم بينهم فيما هم فيه يختلفون. ان الله لا يهدي من هو كاذب كفار. مختلفين بعض بقى دول شافينهم الهة دول مش شافينهم الهة بس الاتنين بيعبدوهم قلة اي حد بيعبد الهة من دون الله او بيعبد حد من دون الله هو كاذب - [00:19:11](#)

صفار وربنا يعني المختلفين دول ربنا هيحكم منهم يوم القيامة اقرا معي الاية اربعة لو اراد الله ان يتخذ ولدا لاصطفى مما يخلق ما يشاء. سبحانه هو الله الواحد القهار - [00:19:33](#)

في ناس قالت ان الملائكة بنات الله وناس قالت المسيح ابن الله وربنا قال ما عندوش ولد ايه اللي يمنع ان لو عنده ولد كان قال! يعني ربنا هيخبي ليه لو هو عنده ولد - [00:19:53](#)

ربنا يختار من خلقه ما يشاء ويعلم للناس ان عنده ولد. لو عنده ولد. الاية اربعة بتقول لو اراد الله ان يتخذ ولدا مما يخلق ما يشاء ايه المشكلة ما عندوش ولد فقال ما عندوش ولد - [00:20:12](#)

بس ما عندوش ولد ليه كمل الاية كده. سبحانه هو منزه عن اي نقص هو اللي يبقى عنده ولد ده نقص؟ ايوة ده نقص ازاى نقص ولا كمال؟ لأ في البشر هو كمال - [00:20:28](#)

لان الانسان بيحتاج لما يكبر ويعجز يبقى عنده حد يساعده يريد امتداد له بعد ما يموت لكن اله لا يعجز. واله لا يموت اله الله سبحانه وتعالى قيوم. قيوم يعني قيوم على نفسه. لكن هو قيوم على العباد هو قيوم على نفسه. يعني ايه قيوم على نفسه؟ ربنا - [00:20:46](#)

لكن بصره ما بيضعفش انه قيوم ربنا سميع سمعه ما بيضعفش مع الوقت. لانه لانه قيوم حي لا يموت لانه قيوم هو ليس بحاجة للولد هو الله الواحد القهار. اقرا الاية اربعة هو الله الواحد القهار - [00:21:11](#)

واحد لم يلد ولم يولد ولم يكن له كفوا احد اقرا معي الاية خمسة خلق السماوات والارض بالحق يكور الليل على النهار ويكور النهار

على الليل وسخر الشمس القمر كله يجري لاجل مسمى - [00:21:34](#)

الا هو العزيز الغفار ربنا خلق السماوات والارض بالحق مش عشان تعبد من دونه مخلوقاته خلقت السماوات والارض بالحق لا بالباطل لا بالكذب لا بالكفر يكون الليل على النهار ويكور النهار على الليل. يعني ايه؟ بقدر ما ينقص من النهار يزود في الليل. بقدر ما ينقص من الليل يزود - [00:21:56](#)

في النهار. التكوير يعني الف طور العمامة يعني لفها طور المتاع يعني عملوا بؤجة. عملوا هدومه كده زي بؤجة وشالها زي كورة مجرد استخدمت التعبير ده التكوير من الف وربعميت سنة - [00:22:25](#)
بالليل والنهار اشارة لكروية الارض. واستدارة الارض. عشان الناس اللي لحد النهاردة يقول لك ايه؟ لا لا لا المسلم ما ينفعش يؤمن ان الارض كروية. يا اخي وديتوا الناس في داهية والله العظيم - [00:22:44](#)
اقرا معي الاية خمسة وسخر الشمس والقمر كله يجري لاجل مسمى الا هو العزيز الغفار ربنا قوي ومسيطر على كل شيء في الكون الناس اللي بتقول ان ما فيش في الكون نزام ولا حاجة. الكون بقى له ملايين السنين اليوم مقسوم ليل ونهار. والسنة مقسومة اربع فصول - [00:22:58](#)

توصيف وربيع وخريف. ما فيش يوم ما كانش مقسوم ليل ونهار. ما فيش سنة ما جتش فيها اربع فصول بعد كل ده واحد يقول لي ما فيش نزام ولا حاجة يدل على وجود الصانع - [00:23:23](#)
الشمس مسخرة القمر مسخر كل نجم مسخر كل الكواكب بتجري في في نظام محكم. كل النظام المحكم ده وبرضو بتجادلوا الاية الحقيقة بقى ختمت باسم العزيز الغفار. ودخلاني افكر في حاجة تانية - [00:23:34](#)
اقرا معي الاية خمسة وسخر الشمس والقمر كله يجري لاجل مسمى الا هو العزيز الغفار. لان ربنا لما يتكلم عن الشمس والقمر والليل والنهار يذكر انه غفار خليني افكر ان ذكر الليل والنهار - [00:23:53](#)

والتعاقد بتاعهم بعد ذكر الايمان والكفر مش مقصود به ان هو ليل ونهار بس مقصود به ان سنة الله في الدنيا هي تغير الاحوال النهاردة الباطل كسبان جولة. بكر حق ينتصر ويعود مرة اخرى سم يعود الباطل مرة اخرى. سم يعود الحق مرة اخرى. فهذا التكوير ليل بعد النهار - [00:24:12](#)

عار الزلام بعد النور والنور بعد الزلام الشيء الوحيد الثابت في الدنيا دي هو التغيير كل شيء بيتغير مطلوب منك كائن انك تغير دون ان تتغير انت يكون جزء من التغيير للافضل اعمار الارض دون ان تدع - [00:24:35](#)

الحياة او الدنيا تغيرك او تغير مبادئك لكن لو غيرتك الدنيا مش هتغيرك للاحسن. انت تتغير فقط على القرآن على السنة نتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك. اللهم ما - [00:24:57](#)
رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا ومن الماء البارد على الظمأ - [00:25:17](#)

اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احي قلوبنا بحبك. واجعلنا لك كما تحب. اللهم اجعلنا نحبك بكل - [00:25:35](#)
قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم مرابيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا - [00:25:55](#)

اللهم بحق كل حرف في كتابك تلوناه او تدبرناه. اكفنا واهلينا شر كل من يكيد لنا ولهم. واحفظنا وايهم من شرورهم. ونجعل اللهم في نحورهم فانت الوكيل ولا حول ولا قوة الا بك - [00:26:21](#)
اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وانصرهم وانصر من نصرهم واخذل من خذلهم وطهر المسجد الاقصى من الدنس فانهم لا يعجزونك - [00:26:39](#)

اللهم من قضى منا بالوباء المنتشر فاكْتُبها له شهادة. ومن كان منا او من احبابنا او من اخواننا او من اخواتنا او من او من علمائنا مريضاً به او حاملاً له فالبسه ثوب الصحة والعافية عاجلاً غير آجل. ومن لم يصب به فقه شر - [00:26:55](#)

وابعده عنه ولا تسلطه الا على اعداءك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك - [00:27:15](#)

فوثق اللهم رابطتها وادم ودها واهدها سبلها واملأها بنورك الذي لا يخبو. وشرح صدورهما بفيض الايمان وجميل التوكل عليك واحييها يا ربنا بمعرفتك وامتها على الشهادة في سبيلك. انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله - [00:27:38](#)

كنا من اهل الدنيا - [00:28:02](#)